





SACRA

EUTURGIA



2

BX1999

.A3

V35

v.2

007502



1080016171

EX LIBRIS

HEMETHERII VALVERDE TELLEZ

Episcopi Leonensis

SACRA LITURGIA

SACRA LITURGIA

TOMUS II

TRACTATUS

DE RUBRICIS MISSALIS ROMANI

AD USUM ALUMNORUM
SEMINARII ARCHIEPISCOPALIS MECHLINIENSIS

OPERA

J. F. VAN DER STAPPEN

EPISC. TITUL. JOPPEN., AUXIL. EMI AC RMI DNI PETRI LAMBERTI
CARD. GOOSSENS, ARCHIEP. MECHLIN.
SACRÆ LITURGICÆ ACADEMIÆ ROMANÆ CENSORIS

EDITIO ALTERA

→ Miguel Echeverría. ←

S. Conciliar.

W. R.

UNIVERSIDAD DE LEÓN
Biblioteca Valverde y Telles

MECHLINIÆ.
H. DESSAIN,

SUMMI PONTIFICIS, SS. CONGREGATIONUM RITUM ET DE PROPAGANDA
FIDE NECNON ARCHIEP. MECHL. TYPOGRAPHUS.

44304

Cum duo præcipue in sacerdote et animarum pastore
requirantur, probitas videlicet et doctrina, earum utraque in
Seminario est comparanda.

S. CAROLUS BORROMÆUS, INSTIT. SEMINARII,
Part. 3. Cap. I.

Bx 1999

.A3

V.35

V.2



PETRUS LAMBERTUS

TIT. S. CRUCIS IN HIERUSALEM S. R. E. PRESBYTER
CARDINALIS GOOSSENS,

DEI ET APOSTOLICÆ SEDIS GRATIA ARCHIEPISCOPUS MECHLINIENSIS
PRIMAS BELGII

Omnibus has visuris salutem in Domino.

Cum hic Tractatus *de Rubricis Missalis Romani*, ad usum alumnorum Seminarii nostri de novo editus, et ad normam recentiorum Decretorum reformatus, claritate et utilitate multum commendetur, libenter eum approbamus, adhortamurque nostrum Clerum ut, hoc opus diligenter perlegendo et perscrutando, quotidie magis in necessariis hujusmodi scientiis proficiat.

Datum Mechliniæ, die 10 Novembris 1902.

† P. L., CARD. GOOSSENS, *Arch. Mechl.*



FONDO EMETERIO
VALVERDE Y TELLEZ

SACRA LITURGIA

TRACTATUS

DE RUBRICIS MISSALIS ROMANI

NOTIONES PRÆVIÆ

Q. 1. *Quod est argumentum hujus Tractatus?*

R. In præsentī Tractatu exponuntur leges seu Rubricæ descriptæ in Missali Romano, secundum quas determinatæ preces dicendæ sunt in Sanctissimo Missæ Sacrificio.

Materia est celebratio Sanctissimi Missæ Sacrificii, cujus præstantiam indicat ipsum nomen, quia Sacrificium Missæ peragere potissimum est ac longe ante cætera excellens munus Sacerdotum in Ecclesia Dei.

Quæ spectant Missæ Sacrificium, ejusque celebrationem exponuntur in Theologia, sive dogmatica, sive morali, sive ascetica, necnon in Jure Canonico; præstantior pars tamen et magis practica expositionis hujus Sacrificii pertinet ad Sacram Liturgiam, ejusque materia Liturgica tanti est momenti, ut in duplici Tractatu de hac nobiliori Sacræ Liturgiæ parte sit dicendum.

Præsens Tractatus ea perhibet quæ supra in principio responsi indicantur, et inscribitur **Tractatus de Rubricis Missalis Romani**.

In altero Tractatu describuntur Ritus, seu Cæremoniæ in ejusdem Sacrificii celebratione observandæ, et inscribitur **Tractatus de celebratione Sanctissimi Missæ Sacrificii**.

§ 1. De nomine Missæ, et de Missarum distinctione

Q. 2. *Quibus nominibus in Liturgicis Libris et apud Sanctos Patres designatur SS. Missæ Sacrificium?*

R. 1º Primum ac vetustius nomen Eucharistico inditum
S. LITURG. TRACT. DE RUB. MISS.

007502